

# GJALDSKRÁ

## Landmælinga Íslands.

### I. KAFLI

#### Almenn ákvæði.

##### 1. gr.

Landmælingar Íslands varðveita og framleiða landfræðilegar upplýsingar. Fyrir sölu, birtingu og útgáfu efnis og sérhæfða þjónustu sem stofnunin veitir skulu Landmælingar Íslands innheimta gjöld af viðskiptamönnum sínum samkvæmt ákvæðum gjaldskrár þessarar. Allar fjárhæðir í gjaldskrá þessari eru tilgreindar án virðisaukaskatts.

##### 2. gr.

#### Orðskýringar.

Merking orða og orðasambanda í gjaldskrá þessari er sem hér segir:

*Fjarkönnunargögn:* Myndir eða annars konar stafræn gögn sem aflað er með gervitunglum um yfirborð jarðar.

*Kort:* Uppdráttur sem sýnir með margs konar litum og táknum landslag og mannvirki af ákveðnu svæði í ákveðnum hlutföllum sem gefin eru upp sem mælikvarði (t.d. 1:100.000). Flest útgefin prentuð kort eru nú unnin með stafrænum hætti og því er oftast til stafræn útgáfa kortsins auk hins prentaða. Kort eru mismunandi eftir því til hvers á að nota þau svo sem ferðakort, göngukort og stafræn kort til notkunar í landfræðilegum upplýsingakerfum.

*Lag:* Ákveðin gerð eða flokkur landupplýsinga sem mynda eina heild í landfræðilegu gagnasafni, t.d. samgöngulag eða vatnafar.

*Landupplýsingar:* Hvers kyns hnitsettar upplýsingar um fyrirbæri í umhverfinu, bæði náttúruleg og manngerð.

*Loftmyndir:* Myndir teknar úr flugvélum, vegna kortagerðar, lóðrétt niður í myndaröðum.

*Nákvæm endurgerð efnis:* Efni sem byggist á efni frá Landmælingum Íslands, framleitt óbreytt í lit eða í svart hvítu og er í sama eða svipuðum mælikvarða eða stærð og hið upprunalega efni.

*Rastakort:* Stafrænt kort byggt upp af myndeiningum.

*Smákort:* Kort með takmörkuðum upplýsingum um staðfræði sem notuð eru til skýringar með texta.

*Stafræn gögn:* Hvers kyns efni á stafrænu formi sem er í eigu eða vörslu Landmælinga Íslands.

*Vigráðir gagnagrunnar:* Gagnagrunnar sem byggðir eru upp með punktum, línum og flákum sem í flestum tilfellum eru tengdir við landfræðilega staðsetningu.

*Örnefni:* Nafn, orð eða orðasamband, á landfræðilegum punkti, línu eða svæði sem hægt er að setja á landakort og vísar til eins ákveðins staðar innan ákveðins samfélags; lands, héraðs, sveitabæjar, þéttbýlisstaðar, húss, götu, torgs, vegar, fjalls, dals, stöðuvatns, fjarðar, hafsvæðis, skers, miða o.s.frv.

##### 3. gr.

#### Höfundaréttur.

Íslenska ríkið er eigandi að öllum réttindum sem Landmælingar Íslands hafa öðlast. Stofnunin gætir hagsmuna ríkisins á sviði höfunda- og afnotaréttar á öllu því efni sem hún

hefur eignast, unnið eða gefið út í sambandi við mælingar, kort eða myndir af Íslandi. Um höfundarétt gilda að öðru leyti höfundalög nr. 73/1972, með síðari breytingum.

## II. KAFLI

### **Kaup og aðgangur að efni frá Landmælingum Íslands.**

#### 4. gr.

##### *Loftmyndir og ljósmyndir.*

Landmælingar Íslands selja eingöngu stafrænar (skannaðar) eftirgerðir loftmynda og ljósmynda sem eru í vörslu stofnunarinnar. Um gjald fyrir loftmyndir og ljósmyndir gilda ákvæði fylgiskjals 1.

#### 5. gr.

##### *Stafrænt efni.*

Landmælingar Íslands bjóða aðgang að stafrænu efni. Um gjald fyrir aðgang að stafrænu efni gilda ákvæði fylgiskjals 2, sbr. einnig 6. og 7. gr. Árgjald miðast að lágmarki við þriggja ára samningstímabil.

#### 6. gr.

##### *Notkunarleyfi.*

Við kaup eða aðgang að stafrænu efni frá Landmælingum Íslands fær kaupandi notkunarleyfi fyrir efninu og gengst við almennum skilmálum sem stofnunin setur um notkun þess, nema um annað sé samið.

#### 7. gr.

##### *Fjöldi notkunarleyfa.*

Notkunarleyfi fyrir kaupum eða árgjaldi að stafrænu efni frá Landmælingum Íslands skiptast í eftirfarandi þrjá gjaldflokka, sbr. einnig fylgiskjal 2:

1. *Almennt notkunarleyfi*, fyrir einn eða fleiri notendur þar sem notkun er ekki viðskiptalegs eðlis, t.d. á sviði rannsókna, kennslu og vegna lögbundinnar starfsemi opinberra aðila án gjaldtöku.
2. *Viðskiptaleyfi 1*, fyrir einn aðila þar sem notkun tengist viðskiptalegum tilgangi svo sem að selja þjónustu eða vörur á almennum markaði.
3. *Viðskiptaleyfi 2*, fyrir tvo eða fleiri notendur þar sem notkun tengist viðskiptalegum tilgangi svo sem að selja þjónustu eða vörur á almennum markaði.

## III. KAFLI

### **Sérhæfð þjónusta.**

#### 8. gr.

##### *Sala á sérhæfðri þjónustu.*

Landmælingar Íslands sinna sérhæfðri þjónustu við vinnslu og afgreiðslu stafrænna gagna í mælikvarðanum 1:50.000, sbr. 4. tölul. 4. gr. laga nr. 103/2006, um landmælingar og grunnkortagerð, og annarra gagna sem eru í vörslu stofnunarinnar, sbr. 2. tölul. 1. mgr. 7. gr. laganna. Um gjald fyrir sölu á sérhæfðri þjónustu gilda ákvæði fylgiskjals 3.

IV. KAFLI  
**Útgáfa og birting.**

9. gr.

*Útgáfu- og birtingarleyfi.*

Landmælingar Íslands veita leyfi til afnota, útgáfu og birtingar eftirfarandi efnis sem nýtur höfundaréttar ríkisins:

1. Ljósmyndir, loftmyndir og gervitunglamyndir.
2. Kort.
3. Stafræn gögn, landfræðileg gagnasöfn.
4. Annað efni í vörslu Landmælinga Íslands.

10. gr.

*Umsókn um leyfi.*

Sá sem hyggst birta, gefa út eða endurprenta efni sem byggt er á efni frá Landmælingum Íslands skal sækja skriflega um útgáfu- og birtingarleyfi til stofnunarinnar. Þar skal meðal annars koma fram hvar fyrirhugað er að birta efnið, á hvaða formi, í hvaða upplagi, stærð og/eða mælikvarða. Í framhaldi af umsókn skal gerður samningur þar sem kveðið er á um gjald og nánari skilmála fyrir útgáfu eða birtingu efnisins.

11. gr.

*Gjaldflokkar.*

Gjald fyrir leyfi til útgáfu og birtingar á efni samkvæmt ákvæðum þessa kafla skal ákveðið miðað við gjaldflokkana í þessari grein nema ákvæði 12. gr. eigi við. Um gjald fyrir útgáfu- og birtingarleyfi, þar á meðal afslætti, gilda ákvæði fylgiskjala 4, 5 og 6. Gjaldflokkarnir eru sem hér segir:

1. *Flokkur 1:* Gjald fyrir eftirfarandi útgáfu efnis:
  - a. Nákvæm endurgerð efnis frá Landmælingum Íslands.
  - b. Birt efni sem í endanlegri útfærslu inniheldur meira en 60% af kortagögnum, texta, myndefni eða öðru efni frá Landmælingum Íslands, sbr. fylgiskjal 5.
2. *Flokkur 2:* Gjald fyrir eftirfarandi útgáfu efnis sem endurgert er eftir efni frá Landmælingum Íslands:
  - a. Mikilsverðar breytingar án endurtekningar eða einföldunar.
  - b. Birt efni sem í endanlegri útfærslu inniheldur 30-60% af kortagögnum, texta, myndefni eða öðru efni frá Landmælingum Íslands, sbr. fylgiskjal 5.
3. *Flokkur 3:* Gjald fyrir eftirfarandi útgáfu efnis:
  - a. Endurgerð efnis frá Landmælingum Íslands þegar birt efni sem í endanlegri útfærslu inniheldur 10-30% af kortagögnum, texta, myndefni eða öðru efni frá Landmælingum Íslands, sbr. fylgiskjal 5. Ekki skal innheimta gjald sé efni Landmælinga Íslands undir 10% af birtu efni.
  - b. Birting loftmynda Landmælinga Íslands.

12. gr.

*Birting í fjölmiðlum.*

Greiða skal sérstakt gjald fyrir eftirfarandi birtingu efnis frá Landmælingum Íslands í fjölmiðlum samkvæmt því sem hér segir, sbr. þó 17. gr.:

1. Greiða skal fyrir hverja birtingu í dagblaði, án tillits til upplags.

2. Greiða skal fyrir hverja birtingu í sjónvarpi á korti/mynd sem varir lengur en 10 sekúndur. Fyrir reglubundna og stöðuga notkun á kortum, loftmyndum og gervitunglamyndum í sjónvarpi skal greiða árgjald án tillits til fjölda birtinga á ári.

Um gjald fyrir birtingu efnis frá Landmælingum Íslands í fjölmiðlum gilda ákvæði fylgiskjals 7. Þegar dagblöð hafa greitt gjald samkvæmt 1. mgr. er þeim heimilt að birta tímabundið sömu kort á heimasíðum sínum á vefnum og birtust á hinu prentaða formi, án þess að sérstakt leyfi komi til. Þegar birting fer fram með þessum hætti skal þó ávallt gætt ákvæða 16. gr. um áletrun.

13. gr.

*Birting á vefnum.*

Um gjald fyrir birtingu og útgáfu stafræns efnis á vefnum gilda ákvæði fylgiskjals 6. Þegar birting fer fram með þessum hætti skal ávallt gætt ákvæða 16. gr. um áletrun.

14. gr.

*Endurgerð lendir milli tveggja stærðarflokka.*

Ef endurgerð korts lendir milli tveggja stærðarflokka skal ávallt reikna gjaldið eftir þeim stærri.

15. gr.

*Kortabækur o.fl.*

Við ákvörðun á stærðarflokki korta í kortabókum, leiðsögubókum og öðrum slíkum ritum skal telja saman heildarflatarmál kortanna. Við útreikninginn skal draga frá 20% af heildarflatarmálinu vegna endurtekningar á kortasvæðum milli blaðsíðna.

16. gr.

*Áletrun.*

Efni sem á uppruna sinn að rekja til efnis frá Landmælingum Íslands skal merkt á eftirfarandi hátt: © **Landmælingar Íslands**. Þegar fleiri en einn aðili á höfundarétt að endanlegri útgáfu kortagagna skal samráð haft við Landmælingar Íslands um það hvernig merkja skuli efni frá stofnuninni.

17. gr.

*Smákort.*

Ekki skal innheimta gjald fyrir birtingar- og útgáfuleyfi vegna:

1. Birtingar stakra smákorta eða loftmynda (allt að 500.000 punkta að stærð á rastaformi) á vefnum, þar með talið í fréttamiðlum fjölmiðla.
2. Birtingar smákorta eða skýringarmynda á prentuðu formi í A4 stærð eða minni eða í mælikvarða 1:2.000.000 eða minni. Þó skal geta heimilda skv. 16. gr.

18. gr.

*Undanþágur frá greiðslu.*

Heimilt er að veita undanþágu frá greiðslu gjalda samkvæmt gjaldskrá þessari vegna efnis sem birt er í vísindalegum tilgangi eða í samfélagslegum verkefnum, svo sem vegna birtingar innan skólakerfisins, í fagtúmaritum og skýrslum opinberra aðila, á prentuðu eða stafrænu formi. Þó skal ávallt gerður samningur skv. 3. mgr. 10. gr. og gætt skal ákvæða 16. gr. um áletrun.

V. KAFLI  
**Ýmis ákvæði.**

19. gr.

*Hlutdeild viðskiptamanna í gögnum.*

Ef efni frá Landmælingum Íslands á að einhverju leyti uppruna sinn að rekja til hlutaðeigandi viðskiptamanns skal lækka gjaldið í hlutfalli við magn þess efnis sem er frá honum komið.

20. gr.

*Ágreiningur.*

Ágreiningi um framkvæmd gjaldskrár þessarar er heimilt að skjóta til ráðherra með stjórnslukæru.

21. gr.

*Gildistaka.*

Gjaldskrá þessi er sett með heimild í 7. gr. laga nr. 103/2006 um landmælingar og grunnkortagerð.

Gjaldskrá þessi öðlast gildi 1. júlí 2007. Frá sama tíma fellur úr gildi gjaldskrá Landmælinga Íslands nr. 454/2004.

*Umhverfisstjórnuneytinu, 6. júní 2007.*

F. h. r.

**Sigríður Auður Arnardóttir.**

*Ingibjörg Halldórsdóttir.*

**Fylgiskjal 1.****Loftmyndir frá Landmælingum Íslands.**

<b>Tafla 1.</b>	
<b>Skönnun snertimynda af filmu*</b>	<b>Verð fyrir hverja mynd án vsk. kr.</b>
Fyrsta mynd	1.980
Mynd 2-5	1.740
Mynd 6 eða fleiri	1.490

\*Myndir skannaðar í 1200 pát (punktar á tommu) og skilað á TIFF formati á geisladiskum. Önnur verk við loftmyndavinnslu en ofangreind eru sérverkefni og unnin skv. tilboði.

**Fylgiskjal 2.****Stafrænt efni frá Landmælingum Íslands.**

<b>Tafla 2. Rastakort</b>	
<b>Heiti/mælikvarði</b>	<b>Verð án vsk. kr.</b>
Sveitarfélaga- og kjördæmakort	2.900
Yfirlitskort 1:2.000.000	2.900
Yfirlitskort 1:3.000.000	2.900
Önnur rastakort, hvert kortblað	795

<b>Tafla 3. Vignadir gagnagrunnar</b>					
	<b>Lag</b>	<b>Árgjald<sup>1)</sup> Almennt leyfi kr.</b>	<b>Árgjald<sup>1)</sup> Viðskipta- leyfi 1<sup>1)</sup> kr.</b>	<b>Árgjald<sup>1)</sup> Viðskipta- leyfi 2<sup>1)</sup> kr.</b>	<b>Kaupverð án vsk. kr.</b>
<b>FreeHand</b>					
	Heildarkort IS 3000				8.200
	Heildarkort IS 2000				32.000
<b>IS 500V</b>					
	IS 500V gagnagrunnur	Öll lög	30.000	60.000	90.000
	IS 500V	Strandlína			10.000
<b>IS 50V<sup>2)</sup></b>					
	IS 50V gagnagrunnur	Öll lög	200.000	400.000	600.000
	IS 50V	Hæðarlínur <sup>3)</sup>	33%	33%	33%
	IS 50V	Vatnafar <sup>3)</sup>	25%	25%	25%
	IS 50V	Yfirborð <sup>3)</sup>	15%	15%	15%
	IS 50V	Samgöngur <sup>3)</sup>	25%	25%	25%
	IS 50V	Mannvirki <sup>3)</sup>	15%	15%	15%
	IS 50V	Mörk og svæði <sup>3)</sup>	10%	10%	10%
	IS 50V	Örnefni <sup>3)</sup>	15%	15%	15%
	IS 50V	Hæðarlíkan <sup>3)</sup>	25%	25%	25%

1) Hægt er að velja um 3 sammingsleiðir vigráðra gagnagrunna, auk kaupa, sbr. 7. gr. Notendur greiða árgjald og er lágmarks samningstími þrjú ár. Birting gagna á vef á rastaformi, allt að 500.000 punktum, er innifalin í viðskiptaleyfi 1 og 2.

2) IS 50V gögn eru einnig seld samkvæmt flatarmáli (pr. km<sup>2</sup>) í þrepum skv. töflu 4. Dæmi um útreikning: Verð fyrir gögn sem þekja 55.000 km<sup>2</sup> = Fyrstu 25.000 km<sup>2</sup> á 4 kr./km<sup>2</sup>, næstu 25.000 km<sup>2</sup> á 3 kr./km<sup>2</sup> og síðustu 5.000 km<sup>2</sup> á 2 kr./ km<sup>2</sup>.

3) Hægt er að kaupa stök lög og er verð þeirra þá fast hlutfall af verði alls gagnagrunnsins. Þetta á einnig við ef gögn eru keypt pr. km<sup>2</sup>.

Verð segulmiðla bætist við verð skv. töflum 3 og 4. Gjald fyrir hvern geisladisk er kr. 200. Gjald fyrir DVD disk er kr. 400. Vinnsla við klippingu og vörpun gagna er skv. tímagjaldi sbr. fylgiskjal 3.

### Árgjald IS 50V er eftirfarandi á hvern km<sup>2</sup> fyrir almennt leyfi, öll lög:

Tafla 4. Árgjald IS 50V pr. km <sup>2</sup>				
Stærð svæðis	Almennt leyfi	Viðskiptaleyfi 1	Viðskiptaleyfi 2	Kaup
1 – 25.000 km <sup>2</sup>	4 kr.	8 kr.	12 kr.	48 kr.
25.001 – 50.000 km <sup>2</sup>	3 kr.	6 kr.	9 kr.	36 kr.
50.001 – 75.000 km <sup>2</sup>	2 kr.	4 kr.	6 kr.	24 kr.
75.001 – 103.000 km <sup>2</sup>	1 kr.	2 kr.	3 kr.	12 kr.

### Fylgiskjal 3.

#### Gjald vegna sérhæfðrar þjónustu frá Landmælingum Íslands.

Almennt gjald: kr. 6.300 pr. klst. án virðisaukaskatts.

Sérfræðigjald: kr. 7.500 pr. klst. án virðisaukaskatts.

### Fylgiskjal 4.

#### Birting og útgáfa efnis frá Landmælingum Íslands.

Tafla 5. Birting og útgáfa efnis							
Stærð korta og mynda sem á að gefa út	A6 og minna 155 cm <sup>2</sup>	A5 og minna 310 cm <sup>2</sup>	A4 og minna 625 cm <sup>2</sup>	A3 og minna 1.250 cm <sup>2</sup>	A2 og minna 2.500 cm <sup>2</sup>	A1 og minna 5.000 cm <sup>2</sup>	A0 og minna 10.000 cm <sup>2</sup>
<b>Flokkur 1</b>	2,00 kr.	4,00 kr.	10,00 kr.	20,00 kr.	33,00 kr.	46,00 kr.	65,00 kr.
<b>Flokkur 2</b>	1,50 kr.	3,00 kr.	7,50 kr.	15,00 kr.	25,00 kr.	35,00 kr.	50,00 kr.
<b>Flokkur 3</b>	1,00 kr.	1,50 kr.	2,50 kr.	5,00 kr.	7,50 kr.	10,00 kr.	15,00 kr.

Lágmarksupphæð vegna útgáfu og birtingar efnis er kr. 5.000 án virðisaukaskatts.

Tafla 6. Afsláttur á birtingarleyfum vegna magns		
Afsláttur vegna flokks 1 og 2	1.000-2.499 stk.	5%
	2.500-4.999 stk.	10%
	5.000-9.999	15%
	10.000 eða fleiri	25%

Afsláttur vegna flokks 3	10.000-24.999 stk.	25%
	25.000-49.999 stk.	50%
	50.000 stk. eða fleiri	75%

Afsláttur vegna flokks 3 er veittur í þrepum þannig að ef gefin eru út 35.000 eintök af korti reiknast 10.000 stk. án afsláttar, 15.000 stk., með 25% afslætti og 10.000 stk. með 50% afslætti.

#### **Fylgiskjal 5.**

#### **Birting og útgáfa efnis frá Landmælingum Íslands.**

Hlutfall efnis frá Landmælingum Íslands er reiknað út frá töflu 7. Þannig reiknast útgáfa á hæðarlínunum og samgöngum sem 45% og lendir þar með í flokki 2 við ákvörðun birtingagjalds.

Hæðarlínur, hæðarlíkan	30%
Vatnafar, ár, lækir og vötn	20%
Samgöngur, vegir, flugvellir, ferjuleiðir	15%
Stjórnsýslumörk, hreppar, sýslur o.fl.	5%
Örnefni	10%
Yfirborð, s.s. gróður, hraun, sandar	10%
Byggingar og mannvirki	10%

#### **Fylgiskjal 6.**

#### **Birting og útgáfa efnis frá Landmælingum Íslands á vefnum.**

Upprunaleg stærð korta og mynda sem á að gefa út	A4 og minna 625 cm <sup>2</sup>	A3 og minna 1.250 cm <sup>2</sup>	A2 og minna 2.500 cm <sup>2</sup>	A1 og minna 5.000 cm <sup>2</sup>	A0 og minna 10.000 cm <sup>2</sup>
<b>Flokkur 1</b>	7.500 kr.	11.250 kr.	16.800 kr.	25.000 kr.	38.000 kr.
<b>Flokkur 2</b>	5.000 kr.	7.500 kr.	11.250 kr.	16.800 kr.	25.000 kr.
<b>Flokkur 3</b>	2.500 kr.	5.000 kr.	7.500 kr.	11.250 kr.	16.800 kr.

Birting á vefnum telst vera ein mynd eða kort sem hluti af heimasíðu viðskiptavinar. Undanþegin gjaldtöku eru stök smákort eða loftmyndir allt að 500.000 punkta að stærð á rastaformi og birt eru til skýringar texta.



**Fylgiskjal 7.**

**Birting efnis frá Landmælingum Íslands í fjölmiðlum.**

1. *Dagblöð*: Greiða skal kr. 20.000 fyrir hverja birtingu í dagblaði, án tillits til upplags. Um sérstök fylgirit dagblaða gildir 12. gr.
2. *Sjónvarp*: Greiða skal kr. 1.000 fyrir hverja birtingu á korti sem varir lengur en 10 sekúndur. Fyrir reglubundna stöðuga notkun skal greiða kr. 200.000 árgjald, án tillits til fjölda birtinga á ári.

---

B-deild – Útgáfud.: 21. júní 2007